

Parabéns!

Funcionariado en Prácticas

A Confederación Intersindical Galega do Ensino (CIG-Ensino) quere, en primeiro lugar, felicitarte pola túa incorporación dun xeito estábel ao mundo da docencia no ensino público galego.

Ademais, poñémonos en contacto contigo para presentarche a nosa organización sindical. Poden ser moitas as dúbidas que se che presenten neste primeiro curso, tanto se traballaches previamente como persoal interino ou substituto coma se non. Consúltaas.

No sindicato estamos á túa disposición para asesorarte e aconsellarte.

Organizarse sindicalmente. Seremos máis fortes

Organizarse sindicalmente é unha prioridade para as traballadoras e os traballadores.

Afiliarse é unha maneira de partillar as reflexións e as decisións desta organización, centrada na defensa dos intereses do persoal docente, tamén como mellor mecanismo de defensa ante as agresións que sofre o ensino público e todas e todos nós como traballadoras e traballadores do sector.

O sindicato é a ferramenta que temos para facer oír a nosa voz ante a Administración e avanzar nas conquistas sociais e laborais. Por iso o mellor que podes facer é afiliarte. Canto máis grande sexa o sindicato máis forza teremos para avanzar e conseguir melloras laborais e sociais. A túa voz incorpórase, deste xeito, a este coro común que a CIG-Ensino articula como sindicato maioritario no ensino público galego.

A CIG-Ensino. Quen somos?

A CIG-Ensino é unha das federacións da Confederación Intersindical Galega (CIG) No ensino somos a **organización sindical maioritaria**, situación referendada nas últimas eleccións celebradas o curso pasado.

Froito destas eleccións mantemos unha ampla representación nas Xuntas de Persoal das catro provincias galegas, e especialmente na **Mesa Sectorial Docente non Universitaria**, ámbito de debate e de negociación coa Consellaría de Educación. Tamén formamos parte da Mesa Xeral da Función Pública Galega e das Mesas de Sector de ámbito estatal. Ademais, moito máis preto de ti, no teu centro de traballo, atoparás un ou unha representante da CIG-Ensino ou coñecerás algún delegado ou delegada sindical que che levará información puntualmente xa que o noso modelo sindical **-profundamente democrático** e alternativo ao doutras organizacións- baséase nunha **constante presenza nos centros de traballo**.

Día a día traballamos para manter e incrementar a nosa representación como medio

Afíliate!
para sermos máis fortes

efectivo para seguir avanzando na loita por un ensino público galego e de calidade, a través dun modelo sindical combativo e participativo.


Como organización sindical centramos os nosos esforzos na defensa do **Ensino Público Galego**. Defendemos un sistema educativo galego que teña na **normalización lingüística** un dos seus eixes fundamentais, un **ensino non sexista** que **eduque para a igualdade, a solidariedade e a xustiza social**, e que transmita os valores da paz e da defensa do medio ambiente.

O noso traballo céntranse tamén na reivindicación dos **dereitos profesionais e laborais do persoal docente**: o dereito á negociación colectiva e á estabilidade no posto de traballo; á dignificación da función docente, a un sistema salarial que impida a

estratificación, xerarquización e división do profesorado e que nos retribúa dignamente, á elaboración dun cadro de enfermidades profesionais e o seu recoñecemento a todos os efectos legais, a unha formación permanente dentro do horario lectivo e no propio centro de traballo, etc.

Pero a CIG-Ensino non só defende os dereitos profesionais e laborais das traballadoras, senón que ofrece á súa afiliación **información puntual** sobre aquelas cuestións que lle poida interesar.

Consideramos que a información é prioritaria e imprescindible, non só para ter coñecemento do que está a acontecer no ensino en xeral, senón tamén para dar difusión ás nosas propostas e transparencia ao traballo sindical que desenvolvemos.



Tamén ofrecemos actividades formativas relacionadas con distintas materias, en distintos momentos do ano e ao longo de toda a xeografía galega, asesoramento xurídico e participación na organización sindical.

Para todo isto a CIG-Ensinofrécete os seus locais nas sete cidades galegas e nas localidades de Ribadeo, Vilagarcía ou Cangas. Aquí atoparás compañeiras e compañeiros docentes que che

axudarán a resolver as túas dúbidas ou problemas.

Tamén no resto de locais da CIG, en diferentes vilas, poderás informarte.

Ensinogalego. Unha aposta de presente e de futuro

A CIG-Ensinoten entre os seus principios o de procurar un ensinogalego, por iso propoñemos a impartición na nosa lingua das distintas materias do currículo, en todas as etapas educativas, como medio para dar cumprimento ao recollido no artigo 14 da Lei de Normalización Lingüística: “As autoridades educativas da Comunidade Autónoma garantirán que ao remate dos ciclos en que o ensinogalego é obrigatorio, o alumnado coñeza este, nos seus niveis oral e escrito en igualdade co castelán”

Para a CIG só hai unha maneira de dar cumprimento a este artigo e esta é impartir o maior número posíbel de aulas na nosa lingua, de aí que te animemos a empregar a nosa lingua na docencia co alumnado, mais tamén no centro educativo, para facer visíbel o noso idioma e convertelo no que debe ser: a lingua de relación no centro educativo e, por tanto, a lingua da súa administración, empregándoa en todos os documentos.

O actual Decreto 79/2010 de “plurilingüismo” é o resultado dunha estratexia elaborada polo goberno do PP para reducir a presenza da nosa lingua no ensino.

A CIG-Ensinosegue esixindo a retirada deste Decreto e a aplicación do recollido no Plan Xeral de Normalización Lingüística, aprobado por unanimidade no Parlamento de Galiza en setembro de 2004. Precisamente ese Plan Xeral

recomendaba a impartición das materias científicas en galego, nomeadamente as matemáticas, de aí que desde a CIG-Ensinovaloremos moi negativamente o actual Decreto que prohibe a impartición en galego das Matemáticas, Tecnoloxía e Física e Química, producindo un retroceso importante en materia de normalización.

Fase de prácticas

A Consellaría vén de nomearte funcionaria ou funcionario en prácticas e destinoute a un centro de ensino para a realización da fase de prácticas. Durante este tempo o teu réxime xurídico-administrativo é o de persoal funcionario en prácticas. Se antes traballaches como persoal interino e tes xa consolidado algún trienio ou sexenio seguirás percibindo esa antigüidade.

Ao longo do teu período de prácticas no centro recibirán unha carta, da que deben dar copia ao persoal funcionario en prácticas, na cal se indican unhas breves instrucións sobre a memoria e a data de entrega, así como as instrucións para nomear a túa titora ou titor. De non recibires copia deste documento ponte en contacto connosco.

Na Orde do 21 de febreiro de 2019 (DOG do 8 de marzo) pola que se convocou o concurso-oposición atópanse as indicacións para a realización desta memoria, que resumimos no seguinte cadro:

Inicio	O 1 de setembro no corpo de mestres e na data na que se inicie o curso nos demais corpos docentes.
Duración	Catro meses
Titoría	Unha profesora ou profesor do mesmo corpo e, preferentemente, da mesma especialidade, designada pola Comisión cualificadora da provincia.
Funcións da titoría	Asesorar, informar e avaliar o persoal docente en prácticas. Emitirá informe final para remitilo á Comisión cualificadora.
Actividades de formación	Realización dun curso de formación en lingua galega de 20 horas de duración. Consistirá en formación específica sobre terminoloxía, estilo, aspectos sociolingüísticos e a linguaxe propia da especialidade, que lle permita ao persoal seleccionado desenvolver correctamente en galego as súas tarefas e funcións. Tamén formación en igualdade e prevención e loita contra a violencia de xénero para a obtención do nivel básico de coñecemento regulado no Decreto 70/2017, do 13 de xullo, polo que se regula a formación en igualdade e prevención e loita contra a violencia de xénero do persoal ao servizo da Administración da Comunidade Autónoma de Galicia.
Informe - Memoria final	O profesorado en prácticas deberá elaborar un informe-memoria final que entregará ao remate da fase de prácticas á Comisión cualificadora.
Avaliación	As prácticas serán avaliadas por unha comisión provincial constituída pola xefa ou xefe da inspección provincial, que ocupará a presidencia; dous membros da inspección educativa e dúas directoras ou directores de centros designados pola xefa ou xefe territorial. Téñense en conta os informes emitidos pola persoa titora, a dirección do centro, o persoal responsábel das actividades de formación e, se é o caso, a inspectora ou inspector responsábel do centro e do informe presentado polo propio aspirante. A xefa ou xefe da Inspección, en caso de informe desfavorábel, poderá establecer que a inspección do centro visite e avalíe na aula as aptitudes didácticas do profesorado en prácticas. Cualificaranse como apto ou non apto.
Cualificación de NON APTO	O persoal non apto poderá repetir a fase de prácticas no curso seguinte. O persoal que non se incorpore ou suspenda por segunda vez perderá todos os dereitos.

Cuestións formais da memoria

No escrito que recibirán no teu centro, do que che deben dar copia, indícanse unhas breves instrucións sobre a memoria e a data de entrega. A pesar das nosas esixencias ante a Consellaría para unificar datas e criterios, estas instrucións poden ser diferentes en cada provincia, en función do que decidan en cada comisión territorial de avaliación da fase de prácticas.

Como referencia hai que ter presente que estas instrucións non soen diferir do que a continuación che indicamos:

- A extensión máxima pode variar. Nunca foi superior aos 20 DIN A4
- Letra Times New Roman de 12 puntos e interlineado de 1,5

A Consellaría e a Comisión de Valoración utilizarán a dirección do teu centro (da inspección se estás nunha unitaria) como medio para comunicarse contigo.

Guión da memoria de prácticas

O seguinte guión é de elaboración propia da CIG-Ensino, e pretende ser unha axuda para a elaboración da memoria.

Introdución.

Referencia á normativa e pequeno resumo dos distintos puntos a tratar.

1. Nome do centro no que tes o destino en prácticas.

1.1. Características do centro.

Situación xeográfica, demográfica, nivel sociocultural, socioeconómico e distribución do espazo físico.

1.1.1. Persoal docente e non docente. Organigrama de todo o persoal do centro (táboas).

1.1.2. Materiais e recursos.

Todo co que se conta tanto a nivel da especialidade, como das demais áreas, materias ou titorías a impartir no que se refire aos recursos e materiais didácticos.

1.2. Características alumnado.

A súa distribución por etapas, unidades, alumnado con distintas necesidades... (táboas) Características xerais do alumnado, da contorna, situación lingüística, minorías étnicas, inmigrantes...

1.2.1. Medidas de atención á diversidade.

2. Período de prácticas no curso académico 2019-2020

Experiencia coa primeira toma de contacto e asignacións no primeiro claustro tanto a nivel docente como de formar parte dos distintos plans, proxectos, equipos de ciclo...

2.1. Horario e áreas a impartir.

Tipo de xornada, quendas de garda, o propio horario lectivo...

2.2. Programacións das áreas, materias ou módulos impartidos.

Ideas básicas sobre estas (número de unidades didácticas, organización, metodoloxía,

contidos transversais, avaliación...)

2.3. Obxectivos e resultados.

En referencia aos de centro, de ciclo, de nivel e aos pedagóxicos que nos marcamos persoalmente para lograr o fin que persegue a educación.

2.4. Dificultades atopadas e solucións adoptadas.

Problemas aos que tiveches que facer fronte (comportamento, dificultades docentes...)

2.5. Apoios recibidos. Equipo directivo, equipo docente, familias, alumnado...

3. Conclusións. Reflexión da experiencia das prácticas xeral

3.1. Valoración global da actividade desenvolvida (traballo feito).

Unha vez superada a fase de prácticas serás nomeado persoal funcionario de carreira (sóese publicar no DOG no mes de xullo), con efectividade do 1 de setembro de 2020.

Retribucións

En materia retributiva, ademais do salario percibimos trienios por ter traballado para a administración. Se traballaches para outra administración, sexa ou non educativa, tes que reclamar este recoñecemento para que cho computen e paguen. Ademais, cada seis anos percibimos un complemento de sexenios. Para poder cobralo tes que acreditar 100 horas de formación cada seis anos. Se tes servizos como persoal interino, estes computan a efectos de cobro de sexenios, mais deberán estar acreditados na base de datos de formación da Consellaría (FPROFE) ou ben terás que acreditarlos se foron feitos noutra administración educativa diferente da galega.

RETRIBUCIÓN 2019				
Concepto	Grupo A2		Grupo A1	
	Mestres nivel 21	PTFP nivel 24	PES nivel 24	Cátedras nivel 26
Salario	€ 1.017,79	€ 1.017,79	€ 1.177,08	€ 1.177,08
Complemento de destino	€ 502,40	€ 618,67	€ 618,67	€ 741,04
Complemento específico	€ 607,69	€ 607,69	€ 607,69	€ 660,74
Titoría e outras funcións docentes	€ 46,30	€ 46,30	€ 46,30	€ 46,30
Total	€ 2.174,18	€ 2.290,45	€ 2.449,74	€ 2.625,16
Trienios	€ 36,93	€ 36,93	€ 45,29	€ 45,29

IPC Galego: Representa o 0,3784%, das retribucións brutas de cada persoa perceptora

Cargos				
Tipoloxía de centro	A	B	C	D
Centros de Educación Infantil, Primaria e Educación Especial				
Dirección	€ 552,22	€ 499,88	€ 361,77	€ 267,49
X. de Estudos e Secretaría	€ 192,15	€ 180,55	€ 174,77	€ 128,41
X. Dep. de Orientación, Coordinación ENDL, CRA, responsábel de centros menos de 3 unidades				€ 70,43
Centros de Educación Secundaria, FP e Réxime Especial				
Dirección	€ 673,82	€ 580,38	€ 525,39	€ 475,63
<i>O complemento de dirección é o único parcialmente consolidábel en función do tempo de permanencia no cargo:</i>				
<i>4 anos: 25%. 8 anos: 40%. 12 anos: 60%.</i>				
Vicedirección, X. Estudos e Secretaría	€ 296,42	€ 290,68	€ 209,52	€ 180,55
X. de Departamento, Coordinacións, EPAPU e ENDL				€ 70,43
Complemento para Mestres/as no 1º Ciclo da ESO				€ 116,30
Outros postos de traballo				
Membro dun Equipo de Orientación Específico				€ 296,42
CAFI-CEFORES. Dirección				€ 580,38
CAFI-CEFORES. Asesoría				€ 296,42

Sexenios				
1º Sexenio	2º Sexenio	3º Sexenio	4º Sexenio	5º Sexenio
€ 62,84	€ 80,80	€ 107,76	€ 152,63	€ 44,88

Pagas Extraordinarias				
<i>A paga extra componse do salario base recortado (Grupo A2: 742,29€ e grupo A1 : 726,35€), os trienios recortados (Grupo A2: 26,93€ e grupo A1 : 27,95€) e o resto dos conceptos retributivos completos (destino, específico, titoría, cargos).</i>				

Descontos			
Concepto	Grupo A1	Grupo A2	
Pasivos*	€ 111,90	€ 88,07	Funcionariado de carreira
Muface*	€ 48,99	€ 38,56	Funcionariado de carreira
Cota obreira	Segundo base de cotización (persoal interino e funcionariado de carreira desde 2011)		
Retencións IRPF	Segundo retribucións anuais e situación persoal		

*Nas nóminas de xuño e decembro, nas que se inclúen as extras, a cota de Pasivos e MUFACE é dupla.

A estas contías hai que engadirlle o 0,25% desde o mes de xullo.

Muface

Unha vez que recibas o nomeamento de funcionaria ou funcionario en prácticas terás que pasar pola sede provincial de MUFACE para causar alta como mutualista e elixir a entidade médica (SERGAS, entidade privada). Cada ano, no mes de xaneiro e xuño, poderás cambiar de entidade. Desde a CIG-Ensino recomendámosche que escollas como entidade o SERGAS. A defensa do público (ensino, saúde...) nace tamén das eleccións persoais.

Oferta formativa en 2019/2020

A CIG-Ensino e a AS-PG elaboramos unha programación anual de formación para o profesorado para facilitar a especialización, a formación continua e a actualización do persoal docente ao longo da nosa carreira profesional. Todos os cursos están homologados e son baremábeis para Concurso de Traslados, sexenios, oposicións... Podes consultar máis información e matricularte en <http://www.cig-ensino.gal/cursos.html>

CURSOS PRESENCIAIS	LUGAR	DATAS
Paseos pedagóxicos Vigo.	Vigo	9, 11, 14 e 16, 18, 20 e 21 de setembro
XXXI Semana de educación de Pontevedra.	Pontevedra	Do 23 ao 27 de setembro
Saúde laboral e prevención de riscos no ensino.	A Coruña	28 de setembro
Programacións didácticas para Secundaria.	Ourense	28 de setembro
Orientación para a fase de prácticas. Elaboración de memoria.	Ourense	28 de setembro
Programacións didácticas para Secundaria.	Vigo	5 de outubro
Saúde laboral e prevención de riscos no ensino.	Vigo	5 de outubro
Orientación para a fase de prácticas. Elaboración de memoria.	Ferrol	5 de outubro
Saúde laboral e prevención de riscos no ensino.	Ourense	17 e 18 de outubro
Programacións didácticas para Secundaria.	A Coruña	19 de outubro
Programacións didácticas para Secundaria.	Lugo	19 de outubro
Orientación para a fase de prácticas. Elaboración de memoria.	A Coruña	19 de outubro
Orientación para a fase de prácticas. Elaboración de memoria.	Vigo	19 de outubro
Orientación para a fase de prácticas. Elaboración de memoria.	Lugo	19 de outubro
Saúde laboral e prevención de riscos no ensino.	Lugo	19 de outubro
Programacións didácticas para F.P. Santiago	Santiago	26 de outubro
Programacións didácticas para Primaria.	Pontevedra	26 de outubro
Orientación para a fase de prácticas. Elaboración de memoria.	Santiago	26 de outubro
Orientación para a fase de prácticas. Elaboración de memoria.	Pontevedra	26 de outubro
Comentario filolóxico, lingüístico e literario.	Santiago	26 de outubro
XORNADAS DE ATENCIÓN Á DIVERSIDADE.	A Coruña	23 de novembro
XORNADAS DE NORMALIZACION LINGÜÍSTICA.	Santiago	25 xaneiro
XVII XORNADAS DAS MULLERES.	Santiago	7 de marzo
XXIII XORNADAS DE EDUCACIÓN INFANTIL.	Santiago	28 de marzo
XXVIII XORNADAS DE LINGUA E LITERATURA.	Santiago	25 de abril

CURSOS A DISTANCIA 2019-20	DATAS
Portugués avanzado para docentes	Do 1 ao 21 de outubro
Aproximación á acción educativa española no exterior. Unha oportunidade laboral de traballo docente no estranxeiro.	Do 1 de outubro ao 14 de novembro
A construción da sexualidade: retos da era dixital.	Do 24 de outubro ao 13 de novembro
As grandes descoñecidas galegas na historia mundial. Pepa Noia, Mercedes Núñez, Sofía Casanova e María Araújo.	Do 24 de outubro ao 13 de novembro
A banda desenhada nas nosas aulas.	Do 15 de novembro ao 10 de decembro
Materiais didácticos interactivos II.	Do 15 de novembro ao 10 de decembro
Destrezas sociais como ferramenta para o desempeño do labor docente.	Do 9 ao 29 de xaneiro
O xogo de fuga na aula (Escape room).	Do 9 ao 29 de xaneiro
Coeducación na aula. A chave da igualdade.	31 de xaneiro ao 20 de febreiro
Traballando as matemáticas con software estatístico libre nas aulas: RCommander.	31 de xaneiro ao 20 de febreiro
Video produción e video interactivo en educación.	Do 28 de febreiro ao 20 de marzo
Ricardo Carvalho Calero. Día das Letras Galegas, 2020.	Do 28 de febreiro ao 20 de marzo
Historia de Galicia, unha revisión necesaria.	Do 24 de marzo ao 17 de abril
A lectura dramatizada como recurso didáctico.	Do 24 de marzo ao 17 de abril
Recursos prácticos para desenvolver a acción tutorial.	21 de abril a 12 de maio
O tratamento integrado das linguas (TIL) desde unha perspectiva comunicativa e normalizadora.	21 de abril a 12 de maio

Mobilidade: CADP, CXT, concilias, comisións de saúde, permutas...

Tes que participar no Concurso Xeral de Traslados (CXT) até obter o primeiro destino definitivo, convocado habitualmente no mes de outubro. Unha vez obtido destino definitivo deberás permanecer nel dous cursos, transcorridos os cales poderás, voluntariamente, volver concursar para obter un novo destino. O primeiro ano concursarás como funcionaria en prácticas e, polo tanto, terás 0 puntos.

Mentres non obtés este destino definitivo deberás participar tamén todos os anos no Concurso de Adxudicación de Destinos Provisionais (CADP), convocado ao redor do mes de xuño, o mesmo concurso que cubriches ao aprobar a oposición.

Se tes crianzas, maiores a cargo ou tes algunha enfermidade tes a posibilidade de obter mellores destinos que che favorezan á hora da conciliación a través

das comisións de servizo, xa sexan concilias ou comisións de saúde. Se estás en calquera dos casos o mellor é que te poñas en contacto connosco para explicarcho con detalle ou visitar a nosa web.

Tamén podes permutar a túa praza con outra ou outro docente. Podes facelo de forma provisional -curso a curso- ou definitiva. Neste último caso só o poderás facer desde que acades destino definitivo.

Asesoría xurídica

Ser da CIG-Ensino darache dereito a utilizar a asesoría xurídica do sindicato no caso de presentar calquera tipo de recurso para defender os teus dereitos laborais e profesionais.

A asesoría xurídica da CIG é unha das máis competentes de Galiza, sendo así que os seus ditames son de total fiabilidade. Ten gañando numerosos recursos con consecuencias positivas para todo o profesorado

OS NOSOS LOCAIS

SANTIAGO (Local Nacional)
Rúa Miguel Ferro Caaveiro 10
15706 Santiago de Compostela
☎ 981 57 68 00 / Fax 981 575 839
santiago@cig-ensino.gal

A CORUÑA
Rúa Alfonso Molina s/n
15007 A Coruña
☎ 981 169 810 / Fax 981 291 735
acorunha@cig-ensino.gal

BAIXO MIÑO
Praza da Guía 3, Baixo
36780 A Guarda
☎ 986 610 465 / Fax 986 610 465
baixomiño@cig-ensino.gal

MORRAZO
Rúa Atranco 19a, Entrechán 1
36947 Cangas
☎ 986 302 987 / Fax 986 302 987
morrazo@cig-ensino.gal

FERROL
Rúa Eduardo Pondal 41-43
15403 Ferrol
☎ 981 358 750 / Fax 981 358 760
ferrol@cig-ensino.gal

LUGO
Ronda da Muralla 58, 2º andar
27003 Lugo
☎ 982 245 023 / Fax 982 2453 891
lugo@cig-ensino.gal

OURENSE
Parque de San Lázaro 12, 4º
32003 Ourense
☎ 988 238 350 / Fax 988 222 855
ourense@cig-ensino.gal

PONTEVEDRA
Rúa Pasantería 1, 2º Esquerda
36002 Pontevedra
☎ 986 861 513 / Fax 986 855 050
pontevedra@cig-ensino.gal

A MARIÑA
Avenida de Galicia 20, 1º
27700 Ribadeo
☎ 982 129 593 / Fax 982 129 593
amarinha@cig-ensino.gal

VAL DE MONTERREI
Rúa Pedro González 5, 1º
32600 Verín
☎ 988 412 345 / Fax 986 411 013
verin@cig-ensino.gal

VIGO
Rúa Gregorio Espino 47, Baixo
36205 Vigo
☎ 986 827 935 / Fax 986 262 844
vigo@cig-ensino.gal

SALNÉS
Rúa Alexandre Bóveda 2, 2º
36600 Vilagarcía
☎ 986 505 323 / Fax 986 505 323
salnes@cig-ensino.gal